



BIBLIOTHECA
UNIV. JAGELL.
CRACOVENSIS

39070

Mag. St. Dr.



Biblioteka Jagiellońska



stdr0002153



39070



QUESTIO

THEOLOGICA

DE THEOLOGIA

DE THEOLOGIA

DE THEOLOGIA

DE THEOLOGIA

DE THEOLOGIA

DE THEOLOGIA

DE THEOLOGIA

DE THEOLOGIA

DE THEOLOGIA

DE THEOLOGIA

DE THEOLOGIA

DE THEOLOGIA

DE THEOLOGIA

THE UNIVERSITY OF CHICAGO
PRESS



1907

1

QVÆSTIO
THEOLOGICA.
DE FORMALI
CAUSA IUSTIFICA-
TIONIS.

Ex l. 2. Quæst. 113.

Febr. 2749.

Pro loco inter Doctores S. Th. in Academia Cracou.
obtinendo,

M. ALBERTO BOROVIÓ,
in Vrbe Alma S. Th. Doctore, S. Floriani
Canonico,

AD DISPVTANDVM PVBLICE
proposita.

In Lectorio DD. Theologorum, Anno Domini,
M.DC. XXVIII. Mensis Septembris, Die 13
Horis antemeridianis & pomeridianis.

CRACOVIAE,
In Officina Francisci Cæsarij, Anno D. 1628.



J N S T E M M A.

Illustrissimi ac Reuerendissimi Domini D.

M.

S.

E.

C.

D.

S.

A.

C.

C.



Cœlesti famulatu enscin quod Cynthia obiuit;
 Flammantiq; latus strinxit vtrumq; face:
 Consilij ardua vis, cælo contermina & ipsi:
 Magnanimum ac robur Præsulis exprimitur.
 Quanta putas domus hæc terris, cui candida cælo
 Direptum præfert Cynthia auita decus!

39070 I



Q V Æ S T I O.

V Gratia, per modum habitus,
· sola & vnica causa formalis
iustificationis, remissionis, & ex-
pulsionis peccatorum, ita sit ne-
cessaria: vt per nullam aliam ex-
trinsecam gratiam non modo per
ordinariam, sed ne absolutam qui-
dem potentiam, Deus nos acce-
ptet, ad amicitiam suam, neque
ad beatitudinem æternam, sine
eiusdem gratiæ infusione
nec ne,

CONCLUSIO I.

Gratia habitualis, est vnica & sola
causa formalis iustificationis,
& remissionis peccatorum.

COROLLARIA.

1. Ergo sola gratia habitualis nos formaliter
constituit iustos & sanctos, sine nouo fauore aut
aliquo nouo superaddito dono, iam gratie
infuse.
2. Præter actum diuinae voluntatis & Christi sa-
tisfactionem, requiritur gratia habitualis, ad
remissionem peccati, tanquam terminus & ef-
fectus diuinae voluntatis.
3. Peccatum per solam dilectionem, & odium
peccati, siue contritionem, non potest tolli sine
gratia habituali, à qua uterq; actus hic prescin-
di potest.
4. Cum Patres, vel scriptura Sacra tribuit cha-
ritati, vel contritioni, remissionem peccatorum,
hoc intelligendum est dispositiue non formaliter.
5. Dum

5. *Dum meritis Christi tribuitur remissio peccatorum, in genere meritorie cause, semper intelligendum est non de formali.*

CONCLUSIO II.

Gratia per modum habitus non effectiue, sed formaliter, Physicè, expellit peccatum habituale.

COROLLARIA.

1. *Ergo gratia habitualis tantam habet repugnantiam cum peccato, ut per nullam potentiam possint esse simul in uno subiecto.*
2. *Gratia talem facit immutationem in peccatore, ut suapte natura sit opposita omninò macule, nullo extrinseco opus habens ut eam deleat.*
3. *Potest commodè defendi, contra plurimos, in peccato & gratia habituali, omnia genera oppositorum concurrere, contrarietatis, priuationis, relationis & contradictionis.*
4. *Gratia & peccatum respectu hominis lapsi ita esse immediate opposita ut nullus unquam ca.*

reat gratia habituali, nisi habeat peccatum mortale & è contra.

5. Non potest infundi qualitas gratie habitualis, vel etiam conseruari in eo, qui est in peccato mortali.

CONCLUSIO III.

Hæc formalis causa iustificationis ita est necessaria, ad expulsionem peccati, vt sine illa non possit tolli id, in quo formaliter consistit peccatum.

COROLLARIA.

1. Ergo expulsio peccati, & remissio, ita sunt effectus formales gratie habitualis, vt non modo in statu nature lapsæ, sed nec in puris naturalibus, sine illa peccatum expelli & remitti possit.
2. Formales effectus oppositi, non possunt tolli, vel poni, sine formis oppositis, vt patet in tenebris & luce, in visu & cecitate.

3. Ita

3. *Ita necessaria gratia per modum habitus, ut non ad supplendum quasi desit aliquid meritis Christi, sed ad meritorum Christi applicationem, ut terminus & effectus diuinae voluntatis, respicientis ad Christi satisfactionem, & condonantis nobis peccata.*
4. *Gratia Dei non eget nouo fauore Dei extrinsecus ad id ut constituat nos formaliter iustos & repellat peccatum.*
5. *Quamuis peccatum sit quid morale, potest tamen tolli per aliquid Physicum & in rei veritate tollitur.*

C O N C L U S I O I V .

Nulla potentia etiam absoluta diuina potest remitti, & expelli peccatum sine infusione gratiae habitualis.

C O R O L L A R I A .

1. *Implicat contradictionem, conuersionem & auer-*

auersionem, respectu eiusdem finis aut obiecti, esse simul in eodem subiecto, idem subiectum simul esse auersum & conuersum.

2. Ita requiritur ad expulsionem peccati, mutatio Physica subiecti, non tantum per actum, qui inchoare eundem potest, sed per habitum, ut nullo modo sufficiat condonatio, acceptatio, liberalitas, & remissio, facta etiam à Deo qui ius habet ne violetur lex.
3. Licet Deus per suam potentiam posset auferre habitum infusum gratie, & hominem relinquere sine peccato, & gratia, tamen nullo modo facere posse, ut re ipsa auferat peccatum, sine gratia, ideoq. neq. sine mutatione Physica peccatoris,
4. Commune axioma Theologorum, quidquid Deus interuentu cause facit, se ipso facere potest, non de causis in genere formali intelligi debet, neque enim facere potest album parietem sine albedine, sed de causis efficientibus excipiendo semper actus vitales.

5. Etiam

9. *Etiam de potentia Dei absoluta, sola Dei voluntate, aut sola Dei acceptatione, & favore, absq; intrinseca mutatione peccatoris, peccatum nullo modo deleri potest.*

CONCLUSIO V.

Homo per infusionem gratiæ, re-
stituitur conversioni ad finem
suum supernaturalem, accepta-
turque ad amicitiam Dei, ad bea-
titudinem æternam siue bona su-
pernaturalia.

COROLLARIA.

1. *Ergo peccatum sua natura odibile, seu di-
gnum odio Dei, impedit amicitiam & bene-
volentiam Dei, proptereaq; ad acceptationem
ad beatitudinem æternam.*
2. *Repugnat gratiam non dare suo subiecto,
& esse simpliciter & absolute gratum Deo,
&*

Et acceptum ad amicitiam Dei, Et ad suam beatitudinem quoniam hic est primarius non secundarius effectus gratiae.

3. Deum non posse peccatum remittere sine illa Physica qualitatis gratiae infusione.
4. Quando ad gratiae infusionem peccatum remittitur, id fieri vi infusionis, vel qualitatis infusae non vero solius condonationis beneficio.
5. Per nullos actus homo potest reddi amicus Dei, Et dilectus Deo amore amicitiae bonorumque omnium supernaturalium particeps fieri sine infusione gratiae.













